

下馬臺乃浮邱真君升壇下馬之所

著碁臺乃二真弈碁之所

翻經臺乃二真看經之所

嶺

退心嶺初登華蓋半山之腰一嶺橫踞愈高愈峻朝拜之士至此非篤志堅誠者未免退心所以名之

劍脊嶺在三峯之間兩旁下視萬丈懸崖僅有一徑遊人莫不驚怖以謂如履劍脊也若志心稱三真之號願賜祐助則履如平地心安神定不以爲難

打鼓嶺李元晏於此置更籌謂之打鼓嶺又云擊鼓助戰之所

道藏輯要

三仙事實

卷

翼集六

距崇仙觀二里

華大嶺乃王郭二真隨從之僕名華大成道於此嶺朝參因以名之後訛爲畫樹嶺距崇仙觀三十里

坑

淨水坑朝真之士於此盥漱淨穢之所

止馬坑浮邱公升壇於此止馬

盥坑仙瓢也王郭二真洗瓢之所

止晚坑李元晏統兵至此值夜之所

納坑元晏公兵過州縣應副糧料於此納糧食

壇